

عدد — ۶۹

امور اداره و تحریریه و اعلانات و ساثره
ایچون مدیر مسئوله مراجعت ایدملیدر.
عراقی امتک مقالات متصوفانه لرینه
جریده صوفیه تک حیفه لری
آچتیدر.

جریده صوفیه

شیمدیلك هفته ده بر نشر اولنور.

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آلتی آبلغی ۲۵ غروش
وممالك اجنبیه ایچون اون ایکی فرانقدر
حل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیة در

روضه القراء

بالذات سلطان انبیا علیه اکل التحیا افندمن حضرتارندن اخذ
قرآن کریم ایدن اصحاب کرام

— ۱ —

یارغار شفیق حضرت ابوبکر الصدیق رضی الله عنه

مشارالیه حضرتارینک اسم پاک عالیسی و عبدالله و اولوب کنیه لری
ابو بکر و در پدر عالیقدرلری عثمان و حضرتارینک کنیه لری دخی
ابی محافه و در سلسله نسب شریفلری عبدالله بن عثمان بن عامر بن
عمرو بن کعب بن سعد بن تیم بن مرة بن کعب القرشی و اولوب والده
ماجده نری ام الحفیر سلمی بنت صخر بنت عمرو بن کعب بن سعد بن تیم
مرة ابن کعب در که کرک پدری و کرک والده سی طرفندن نسبی یدغی
بطنده و مرة بن کعبه نسب پاک پیغمبری ایل برایشیر ذات ستوده ساتلری
محبیه کرامک سالاری و عشره مبشره نک بری اولوب فخر کائنات علیه
احسن الصلوة افندمن حضرتارینک ارغمالارنده برنجی خلیفه سی
و خاندای راشدینک اولی اولمشدر .

عتیق ، صدیق ، ذو الحلال یارغار القاب جلیله حمیه سنددر .
ولادت سنیه نبویه دن ایکی سنه و برقاج آی سوکرا قدمهاده عالم شهود
اولمش و بعثت سنیهده هرکسدن اول اسلامه کلمشدر .

جناب صدیق رضی الله عنه كافة علوم دینیہی جامع و مزایای قرآنه
حقیه واقف حفاظ قرادن کامل الوجود بر ذات کریم الصفات ایدیار
ابو عمر الدانی حروف قرآنده حضرت ابوبکر دن روایت وارده
اولدینخی بیان ایتمشدر . قرآن عظیم الشانی اولاجع ایدن اول جامع
الکلمات حضرتاریدر . مسیلمه الکذاب ایله وقوع ولان یمامه محاربه
سند یتمش قدر حفاظ کرامک شهید اولملری اوزربنه قرآن کریمک هب
بربره جمعیله مصحف شریف ژئیب تحریری حضرت عمر رضی الله عنه
طرفندن حضور خلیفه عیض اولمقله حضرت خلیفهده جمع قرآنه
لزوم کوردرک اول بایده حاصل اولان اجماع اصحاب اوزربنه زید بن
ثابت حضرتارینک تحت ریاستنده عمر بن الخطاب ، عثمان بن عفان ،
علی بن ابی طالب ، زید بن ثابت ، ابی بن کعب ، عبدالله بن عمر ، عبدالله
بن زبیر ، عبدالله بن مسعود ، عبدالله بن السائب ، خالد بن ولید ، طاحه ،
سعد ، سالم مولی خلیفه ، ابوهریره ، صامت ، ابو زید ، ابوالدرداء ،
ابو موسی الاشعری ، عمرو بن عاص حضرتارنی حضرت عمرک خانه سند
بمده مسجد شریفده اجتماع ایدهرک بر مصحف شریف یازوب خلیفه
تودیع ایلدیلر .

ارتحال دار جنان ایدنجهیه قدر نزد عالیارنده محفوظ قالب زیرا
سکرا همرالفاروق حضرتارینه و آنک ارتحالنده کندی کریمه لری
زوجات طاهرات رسالتناهدن بولسان (حفسه و رضی الله عنایه
بالانتقال موقع تعظیله قلمش ایدی . مؤخرأ مصحف شریف مذکور .

دن نستخلر استنساخیه اطرافه و ممالک سائریه بخت و نشر خدمت
عالیه فی ده حضرت عثمان رضی الله عنه ایفا ایلدی .

صدیق اعظم رضی الله عنه حضرتارندن (۱۴۳) حدیث شریف
روایت اولمشدر . صحیحینده اون سکزی مذکوردر . اون برنده امام
بخاری و برنده امام مسلم منفرد اولوب التیسنده ایکیسی متفقدر .
کثرت روایت طول بقیه و تأمین ایله ملاقاته متوفقددر .

اول صاحب العرفان حضرتلری التمش اوج یاشنده اولدقری حالده
اون اوج سنه سی جاذی الاخره سنه سکز کون قالارق برصالی کیجیمی
اقتشامنده زینت بخش عالم دیگر و جسد اسعدلری روضه مطهره داخنده
شریفاب قرب پیغمبر اولمشدر . صوک سوزی (توفی مسلماً و الحقی
بالصالحین) آیت کریمه سیدر .

مدت خلافتلری ایکی سنه اوج آیدر . بمضار درت آیدن درت کون
اکسیک اولمق اوزره حساب ایتمشدر . جناب صدیق رضی الله عنهک
منافی ، مواضع و سخاوتله سائر اوصاف جلیله ربینه متعلق اولان حکایات
و نوادر لایعد و لایحسی اولوب حق عالیارنده متعدد آیات کریمه نازل و
احادیث شریفه صادر اولمشدر . [۱]

بالذات سلطان انبیا علیه اکل التحیا افندمن حضرتارندن
اخذ قرآن کریم ایدن اصحاب کرام

— ۲ —

عمر بن الخطاب رضی الله عنه الوهاب

مشارالیه حضرتارینک اسم پاک عالیسی (عمر) اولوب کنیه لری
(ابو حفص) لقب سعادتلری « فاروق » در نسب شریفلری و همر بن الخطاب
بن نفیل بن عبدالعزی بن رباح بن قرط بن زراح بن عدی بن کعب بن
لوی القریس و در . کعب رسول اکرم و نبی محترم افندمن حضرتارینک
طقوزنجی اتاریدر . والده لری حلیمه بنت هشام و در . سرور عالم افندمن
حضرتارینک ولادت سنیه لرندن اوج سنه صکره قدمهاده عالم شهود
اولمشدردر .

فخر عالم افندمن حضرتلری طرفارندن و اللهم اعز الاسلام باحد
العمرین و دیه عرض مناجات بیورلمش اولدیفندن التماس واقع حضرت
عمر حقنده قرن اجابت اولدیفندن ابتدا اسلام ایله و شرف اولان ذوات
(۳۹) ایکن حضرت همر ایله قره بالغ اولمش و اوصرهده (یا ایها النبی حسبک
الله و من انبیک من المؤمنین) آیت کریمه سی نازل اولمشدر . همر بن الخطاب
رضی الله عنه حضرتلری جوهر ایمان ازلیسی اظهار ایتزدن اول
کبه معظمهده عانی اولارق هیچ بره و من ادای صلاة ایدمه نامشدر .
حضرت فاروق اعظمک اسلامی فتوحات اسلامیه نک برنجیلرندن معدود
اولوب عدالتی و رأینده کی اصاق ایله کسب اشتها ایتمشدر . سرور عالم

[۱] مفصل ترجمه حال و مناقب مال المالیاری مناقب اولیادن سلسله مشایخ
نفسبیه نام اثر حاجزی ایل جریده صوفیه نک ایکنی جلدینک ۱۲ ، ۱۳ ، ۱۴ نومرولی
نسخه لرنده مندرجدر .

فتوحات اسلامیہ

قیساریہ نك فتحي وغزہ نك محاصره سی

اون بشنچی سنه هجره بده عمر بن الخطاب حضرتاری، یزید بن ابی سفیانہ کونده ردیچی بر مکتوبده معاویه بن ابی سفیانك (قیساریه)، (۱) اوزرینه کونده ریله سی امر ایتمش، آریجه معاویه بن ابی سفیانہ یوللادی بر کاندده ده بو امری تا کید ایله مشدی.

معاویه کیدوب قیساریه بی طول مدت محاصره ایتدی. شهر اهالیسی، مدافعات میدده دن صوگرا تسایمه مجبور اولدی

فقط ۸۰۰۰۰ ی هنکام مقانله ده، ۲۰۰۰۰ ی ده رجعت وفرار ائسانده مقتول اولوب قیساریه بلده سی فتح ایدیلدی.

بوصیراده (علقمة بن مجزز) ده (غزّه) بی (۲) محاصره ایتمش. تسایم اولماسی ایچین، کم بلده به خبرلر کونده رمشدی. (قیقلار) نامنده کی بو حکم، یاخود قوماندان، جواب ورمه بجه علقمه، بالذات شهره کوروب اسلام سرداری طرفندن سفارته کلدیکنی سوبله دی. لکن طایندینی جهته عودتده قتلی ایچین بر پوصو ترتیب اولوندی. حس ایتدی. راز مکالمه دن صوگرا:

— امردان بعضارینی — آلوب کتیره بده هپ بردن کوروشلم وایشه بر نتیجه ویرلم. دیدی، قیقلار، کله جک ذواتکده اولدورولمسی. طمعیه علقمه به ایباشیلمه سی حقنده امر ویردی. علقمه تدبیری سایه سنده اولومدن قورتولوب اوردو کاهنه کله ییلدی.

*

(۱) قیساریه: (Césarée) فلسطین ساحلنده ویافته ۷۷ کیلومتره، شاننده قیداً (سیاسته) اسمیه مسمی و الان خرابه لر موجود بر شهر درکه میلاددن ۲۵ سنه اول فلسطین حاکمی (هرود) طرفندن توسیع و تزین. وقیر آغوستوسک نامه نسبتله توسیع ایدلشیدر. معاویه طرفندن فتح اولوندی وقت ۲۸۰۰۰ اهالیسی واردی که بومقدارک ۱۰۰۰۰ ی یهود ایدی، حتی شهرک صوبولی کوسته روبرده مسلمانلرک. ایچری به کبرمه سنه دلاک ایدده یهودیلر اولمشدی. اهل صلیب محاربانده فرنکارک الله کچیش و مؤخرآ استرداد ایدیلوب (ملاک اشرف) طرفندن استحکاماتی یقیدر بله مشدی.

نسبتنده (قیسرائی) ده نیلوب مشاهیردن بر چوق ذاتک مستط رأسی اولمشدی. بزم (قیصری) یاخود (قیصریه) دیدیکمز بلده نك طرزاملای ده (قیساریه) اولدینی معجم البلدانده مذکوردر.

(۲) غزّه: قدس شریفک ۹۰ کیلومتره جنوب شریفه سنده واقع قضا مرکز ی بر فصبه درکه ایکی، اوچ بوزی خریستیان اولقی اوزره ۱۶۰۰۰ اهالیسی و کلیسادن مبدل مناره سی سکر کوشه لی بر جامی واردر. حضرت ابراهیم علیه السلام زماننده موجود قدیم بر فصبه اولوب بویوک اسکندر بورانک فتخی ایچین درت آئی اوغراشمش و آئای محاصره ده یارالانمشدی. مؤخرآ سفکیلر و بطلیه و سولر زماننده تخریب و تعمیر ایدیلدی. اهل صلیب محاربه لرلنده ده بر چوق قاتلی وقایعه سنه اولدی. جدکوزین پیغمبری (هاشم بن عبد مناف) حضرتلرینک محل وفاتی و (امام ثنائی) نك مستط رأسی اواقله مشهوردر.

افندمز حضرتاری. بندن صکره نی کلسی ممکن اولسیدی عمرکاوردی، بیوردقارینی عقب بن عامر رضی الله عنه روایت ایدیور. فضائل جاییله سی حقنده زمان خلافتی بر شاهد عادل و معیت نبویه ده محاربات مقدسه نك عمومنده اثبات وجود ایدرک اسرای بدر، وحجاب النساء، تخریم خمر حقنده کی رأی عالیاری مؤید آیات قرانیه نك زولی ونخر کونین و رسول الثقلین افندمز حضرتلرینک ابوبکر و عمر حضرتاری حقارنده (زمان مشاورده ایکیکمز رشیده اتفاق ایدرسه کز سزه مخالفت ایتم) بیورمسی اصابت رأینه دلبلدر.

نسخه نفیسه عدالت اولان عمر الفاروق حضرتاری عشره مبشره نك آبروی مباهاتی و خلقای راشدینک ثانی ذیشان و شرافتی درلر. ذات ستوده سائیلدن حروف قرآنده روایت وارده اولمشدر. ابوالعالیه الرباحی (قرآن عظیم الشانی) حضرت عمرزدن درت دفعه قرائت ایلدیکنی بیان ایتمشدر.

حضرت ابوبکر الصدیق رضی الله عنه نك زمان خلافتنده ابتدا امر قضایی درعه ده بیورمش اولدقارندن قضات اسلامک دخی برنجیسی اولمش و خلیفه مشارالیه ک ولی عهد خلافتی اولدینندن اوچنجی سنه هجریه نك جمادی الاولیسنده بازار ایرتسی کونی نائل خلافت اولمشدر. ذات مکارم صفاتاری ابتدا (امیر المؤمنین) عنوان خلافت نشانیه موسوم اولمشدر. بو عنوان صحابه کرامدن (مغیره بن شعبه) رضی الله عنه نك (یا امیر المؤمنین) دیو خطاب ایتمه سیله تحسین وجهه سی طرفندن اولوجهله تکریم اولمشدر.

حضرت فاروقک مناقب جاییله لری حددن بیرون و فضائل جاییله لری جداً افزوندر رسول اکرم و نبی محترم افندمز حضرتلرینک مجلسلر، یکزی عمر بن الخطابک ذکرله تزین ایدیکمز (بیوردقارینی) حضرت عایشه رضی الله عنها روایت ایدیور. سلطان انبیا افندمز حضرتلرینک و عمر حیاته ایکن اسلامک نوریدر دیان کیدنجه جنتک چراغیدر، بیوردقارینی حضرت علی رضی الله عنه روایت ایدیور. حضرت عمر جناب ابوبکر الصدیق رضی الله عنه و رسول الله صکره ماسک خیرالیسی، دیمسی اوزرینه حضرت صدیقک و یاعمر! رسول الله هیچ بر آدم اوزرینه کون طوغمدی که عمردن خبرلی اوله، بیوردیغنی ایشتم (دیدیکنی) حضرت جابر رضی الله عنه روایت ایدیور.

نسخه نفیسه عدالت اولان جناب فاروق اون الی سنه الی آئی یدی کون اجرای عدالت و فتوحات اسلامی نك فوق العاده توسع و انشمارینه همت ایتمش و آلتش اوچ یاشنده اولدقاری حالده یکرمی اوچنجی سنه هجریه نك ذی الحجه سنک اوخرنده شهیدآ زبانبخش عالم دیگر و جسد اسمدلی روضه مطهره داخنده شرفیاب قرب پیغمبر اولمشدر. رضی الله عنه

چنگل کوی:

خواجہ زادہ

دہا پتہ مدی

احمد حامی